



Borgarráð

Samþykkt velferðarráðs um rekstur Droplaugarstaða og dagdvala

Á fundi velferðarráðs þann 13. ágúst 2026 var lögð fram svohljóðandi trúnaðarmerkt tillaga sviðsstjóra, dags. 11. ágúst 2026, um rekstur Droplaugarstaða og dagdvala:

Lagt er til að velferðarráð samþykki að fela velferðarsviði að hefja viðræður við ríkið um að annar rekstraraðili taki við rekstri hjúkrunarheimilisins Droplaugarstaða. Samhliða verði kannað hvort hagkvæmt og æskilegt sé að sérhæfða dagdvölin Esjutún fylgi rekstri Droplaugarstaða eða verði færð ásamt almennri dagdvölinni Þorraseli til annars rekstraraðila. Í tengslum við viðræður um framtíð Droplaugarstaða verði hafinn undirbúningur að mögulegri sölu húsnæðisins. Gert verði að skilyrði við sölu að húsnæðið verði áfram nýtt undir rekstur hjúkrunarheimilis. Við alla vinnu við breytingarnar verði sérstaklega gætt að hagsmunum íbúa og þjónustuþega og tryggt að farsælllega verði staðið að starfsmannamálum. Velferðarráði verði reglulega gerð grein fyrir framgangi viðræðna og undirbúningsvinnunnar.

Greinargerð fylgir tillögunni.

Tillagan var samþykkt og vísað til borgarráðs.

Fulltrúar Samfylkingarinnar og Vinstrisins sátu hjá við afgreiðslu málsins.

Fulltrúar Sjálfstæðisflokksins, Viðreisnar og Framsóknarflokksins lögðu fram svohljóðandi bókun:

Meirihluti velferðarráðs styður að hafnar verði viðræður við ríkið um framtíð reksturs Droplaugarstaða. Rekstur hjúkrunarheimila og dagdvala er hluti heilbrigðisþjónustu og heyrir undir ábyrgð ríkisins. Eðlilegt er að verkaskipting ríkis og sveitarfélaga endurspegli þá ábyrgð og að Reykjavíkurborg beri ekki kostnað sem með réttu á að falla undir fjármögnun heilbrigðisþjónustunnar. Markmið breytinganna er ekki að draga úr þjónustu við eldra fólk heldur að tryggja henni traustan grundvöll til framtíðar. Því er mikilvægt að skýrt skilyrði verði sett um að húsnæði Droplaugarstaða verði áfram nýtt undir rekstur hjúkrunarheimilis, óháð breytingum á eignarhaldi eða rekstrarfyrirkomulagi. Við undirbúning breytinganna þarf fyrst og fremst að gæta að hagsmunum íbúa og þjónustuþega, samfellu og gæðum þjónustunnar og farsælli úrlausn starfsmannamála. Jafnframt þarf að meta sérstaklega framtíð dagdvalanna Esjutúns og Þorrasels út frá hagsmunum þjónustuþega og rekstrarlegum forsendum. Meirihlutinn leggur jafnframt áherslu á áframhaldandi uppbyggingu hjúkrunarrýma í Reykjavík í samstarfi við ríkið og aðra rekstraraðila.

Fulltrúi Samfylkingarinnar lagði fram svohljóðandi bókun:

Eðlilegt er að taka upp viðræður við ríkið um breytt rekstrarfyrirkomulag Droplaugarstaða og það hefur áður komið til umræðu. Mikilvægt er í því sambandi





að tryggja samfellda góða þjónustu fyrir íbúa og sömuleiðis gott samráð við starfsfólk og standa vörð um réttindi þess.

Fulltrúi Vinstrisins lagði fram svohljóðandi bókun:

Eðlilegt er að fara í viðræður við ríkið um þessi mál en fulltrúi Vinstrisins telur mikilvægt að leitast við að senda út skýr skilaboð um að einkaaðili með hagnaðarkröfu komi ekki að rekstrinum. Mikilvægt er að lokaniðurstaða komi til staðfestingar ráðsins.

Tillagan er hér með send borgarráði.

Þess er óskað að trúnaður ríki um efni tillögunnar fram yfir fund borgarráðs 27. ágúst nk. í ljósi þess að um viðkvæmt mál er að ræða fyrir íbúa, aðstandendur og starfsfólk. Til þess að lágmarka óvissu og misskilning þarf að vanda vel til að upplýsa stjórnendur Droplaugarstaða og hafa tilbúin svör fyrir íbúa, aðstandendur og annað starfsfólk. Trúnaði má aflétta strax að borgarráðsfundinum loknum.

Virðingarfyllst,

Rannveig Einarsdóttir
sviðsstjóri velferðarsviðs

Hjálagt:

Tillaga sviðsstjóra um rekstur Droplaugarstaða og dagdvala, lögð fram á fundi velferðarráðs 13. ágúst 2026.



Reykjavík



TILLAGA

Viðtakandi: Velferðarráð

Sendandi: Rannveig Einarsdóttir, sviðsstjóri velferðarsviðs

Efni: Rekstur Droplaugarstaða og dagdvala

Lagt er til að velferðarráð samþykki að fela velferðarsviði að hefja viðræður við ríkið um að annar rekstraraðili taki við rekstri hjúkrunarheimilisins Droplaugarstaða. Samhliða verði kannað hvort hagkvæmt og æskilegt sé að sérhæfða dagdvölin Esjutún fylgi rekstri Droplaugarstaða eða verði færð ásamt almennri dagdvölinni Þorraseli til annars rekstraraðila. Í tengslum við viðræður um framtíð Droplaugarstaða verði hafinn undirbúningur að mögulegri sölu húsnæðisins. Gert verði að skilyrði við sölu að húsnæðið verði áfram nýtt undir rekstur hjúkrunarheimilis.

Við alla vinnu við breytingarnar verði sérstaklega gætt að hagsmunum íbúa og þjónustuþega og tryggt að farsællaga verði staðið að starfsmannamála. Velferðarráði verði reglulega gerð grein fyrir framgangi viðræðna og undirbúningsvinnunnar.

Greinargerð:

Tillagan er í samræmi við áherslur meirihluta borgarstjórnar sem fram koma í kaflanum „*Rekstur og umhirda*“. Þar er annars vegar lögð áhersla á að rekstur hjúkrunarheimilisins Droplaugarstaða færist frá Reykjavíkurborg og hins vegar að unnið verði að því að nýta söluandvirði eigna til innviðafjárfestinga og niðurgreiðslu skulda.

Rekstur hjúkrunarheimila og dagdvala er hluti heilbrigðisþjónustu og málaflokkurinn heyrir undir heilbrigðisráðuneytið. Á undanförunum árum hefur þróunin jafnframt verið sú að sveitarfélög hafa dregið sig út úr beinum rekstri hjúkrunarheimila. Með hliðsjón af skýrum áherslum meirihlutans er ekki talin þörf á frekari stefnumörkun velferðarráðs áður en formlegar viðræður við ríkið hefjast.

Við undirbúning breytinganna þarf að leggja mat á hvort farsælla sé að dagdvölin Esjutún fylgi rekstri Droplaugarstaða eða að rekstur Esjutúns fylgi með í fyrirhugsuðum flutningi dagdvalar Þorrasels sem þegar hefur verið samþykkt að flytji til nýs rekstraraðila. Við það mat verði einkum horft til samfellu í þjónustu, hagsmuna þjónustuþega, rekstrarlegs ávinnings og starfsmannamála.

Möguleg sala húsnæðis Droplaugarstaða verði háð því skilyrði að þar verði áfram rekið hjúkrunarheimili enda kemur fram í meirihluta verkefnalista vilji til staðsetningar hjúkrunarheimila í Reykjavík samanber „Við ætlum að gera átak í uppbyggingu hjúkrunarheimila í samstarfi við ríkið og einkaaðila, svo sem Grund og Hrafnistu o.fl.“.





Þannig verði tryggt að húsnæðið nýtist áfram í þágu öldrunarþjónustu, þrátt fyrir breytingar á eignarhaldi og rekstrarfyrirkomulagi.

Samhliða þessari vinnu er rétt að Reykjavíkurborg haldi áfram samtali við heilbrigðisráðuneytið um ábyrgð á húsnæði dagdvala og fjármögnun húsnæðiskostnaðar. Mikilvægt er að ábyrgð ríkis og sveitarfélaga á þessum þætti þjónustunnar verði skýr og að Reykjavíkurborg beri ekki kostnað sem með réttu ætti að falla undir fjármögnun heilbrigðisþjónustunnar.

